

**Inatsisartut inatsisaat nr. xx xx. xxx 2021-imeersoq Nuummi Qasigiannuani Aasiannilu
erngup nukinganik nukissiorfissat taakkunungalu atortussat
aningaasalersorneqarnissaannut ingerlanneqarnissaannullu sinaakkusersuutit**
*Nunalerinermut, Imminut Pilersornermut, Nukissiutinut Avatangiisinullu Naalackersuisumit
saqqummiunneqartoq*

pillugu

Inuussutissarsiornermut Aatsitassanullu Ataatsimiititaliap

siunnersuutit aappassaaneernejarnannut

ISUMALIUTISSIISUTAA

Inuussutissarsiornermut Aatsitassanullu Ataatsimiititaliap suliarinninnermini ilaasortarai:

Inatsisartunut ilaasortaq Marianne Paviasen, Inuit Ataqtigiit, siulittaasoq

Inatsisartunut ilaasortaq Lars Poulsen, Siumut, siulittaasup tullia

Inatsisartunut ilaasortaq Knud Mathiassen, Inuit Ataqtigiit

Inatsisartunut ilaasortaq Harald Bianco, Inuit Ataqtigiit

Inatsisartunut ilaasortaq Charlotte Pike, Inuit Ataqtidiit

Inatsisartunut ilaasortaq Aslak Wilhelm Jensen, Siumut

Inatsisartunut ilaasortaq Karl Tobiassen, Siumut

UKA2021-mi ulloq 5. oktobarimi siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Siunnersuummut tunuliaqutaasoq:

Nukissiuuteqarnermut Imermillu Pilersuinermit Immikkoortumut Pilersaarut, 2017-imi novembarimi akuerineqartoq, Naalackersuisunit tikkuarneqarpoq, tamatumani immikkoortumut pilersaarummi anguniakkat pingaernerit tassaallutik nukimmik pilersuinikkut aqqissuussinerit nutarterneqarnissaat, aamma nukissiuutinik piujuaannartitsinermik tunngavilinnik sumi tamani tamatumunnga periarfissaqarfiusuni atuilernissaq. Tamanna tunngavigalugu Qasigiannugit aamma Aasiaat erngup nukinganik iluaquteqarnikkut pilersorneqalernissaannut kiisalu Utoqqarmiut Kangerluarsunnguanni erngup nukinganik nukissiorfiup Nuummut pilersuisup allineqarnissaanut aalajangiinissamut tunngavissap pilersinneqarnissaa ukiuni arlaqartuni sulissutigineqarsimavoq.

Qasigiannuguit aamma Aasiaat erngup nukinganik iluaquteqarluni nukissiorfimmit pilersorneqalernissaasa kiisalu erngup nukinganik iluaquteqarluni Nuup nukimmik pilersorneqarnerata annertusineqarnissaata sulissutiginnissaanut Naalakkersuisut peqquneqarnissaat pillugu siunnersuut Inatsisartunit 2019-imi ukiakkut ataatsimiinnermi akuersissutigineqarpoq (UKA 2019/153).

Taamani Sanaartornermut Ataatsimiititaliaasup isumaliutissiisummini ilaatigut allappaa Naalakkersuisut erngup nukinganik nukissiorfiliassanut atatillugu ilutsip toqqarneqartup naammassineqarnissaanut sanaartornissamut, ingerlatsinissamut aamma aningaasalersuinissamut inatsisiliornissat pisariaqartut aallartissagaat.

Siunnersuummi immikkoortut pingaarnert:

Sanaartorneq aamma erngup nukinganik iluaquteqarluni nukissiorfimmik pioreersumik taakkununngalu atortulersuutiniq allilerineq:

Nuummi kiisalu Qasigiannugani Aasiannilu pilersuinissamut erngup nukinganik nukissiorfiit taakkununngalu atortulersuutit sanaartornissaannut, aningaasalersornissaannut ingerlanneqarnissaannullu killiliussatut piumasaqaatit Inatsisartut inatsisaanni aalajangersarneqarput.

§§-ini 2-4-mi aalajangersakkat erngup nukinganik nukissiorfiit taakkununngalu atortulersuutit sorliit siunnersuummi pineqarnerannut tunngapput. Tamanna pillugu inatsimmi aalajangersakkat taakkulu pillugit nassuiaatit innersuussutigineqarput.

Sanaartukkanik erngup nukinganik iluaquteqarlunilu nukissiorfinnik pioreersumik allilerinernik atortulersuusersuinernillu aningaasalersuineq:

§§-ni 5-imi aamma 6-imi aalajangersakkat suliniutit aningaasalersorneqarnerannut kiisalu sanaartornissaannut, aningaasalersornissaannut ingerlanneqarnissaannullu namminersortumut imaluunniit namminersortunut arlaqartunut isumaqatigiissuteqarsinnaanermut Naalakkersuisunut piginnaatitsissuteqarnermut tunngapput, tak. §§-it 1-4. Tamanna BOT-imi isumaqatigiissuteqarnissamut periarfissiivoq.

Aalajangersakkat allat:

Nuummut pilersuisussatut aammalu Qasigiannuganut Aasiannillu pilersuisussatut erngup nukinganik nukissiorfissat atortulersuutaat ilanngullugit nunat tamalaat akornanni suliariumannittussarsiuunneqarsinnaanernik aalajangersagaq siunnersuutip § 7-ianut ilanngunneqarsimasoq siunnersuummut nassuiaatini allassimavoq. Nunat tamalaat akornanni suliariumannittuussarsiuussinikkut akit nunat tamalaat akornanni unammillersinnaassuseqartut anguneqarsinnaapput. Tamanna naammattumik sulisussaqaarnissap qulakkeerneqarnissaanut kiisalu kinguaattoornerit akisunerulernerillu pinngitsoortinneqarnissaannut peqataaqataasinnaavoq. Tamatuma peqatigisaanik nunatsinni suliffeqarnermi naammattumik sulisussaqaarnissap qulakkeerneqarnissaanut tamanna peqataaqataasinnaavoq. Taamaallunilu

nunat tamalaat akornanni suliariumannittussarsiuussinermi sanaartornermi neqerooruteqartitsisarneq pillugu Inatsisartut inatsisaat atorineqassanngilaq.

Nunamut tamarmut pilersaarummi peqqussutit, pinngitsaaliissummik taarsiissutitalimmik pigisanik aalaakkaasunik arsaarinnittarneq aammalu naqissusiinikkut akitsuusigassaataaanninneq pillugu aalajangersakkat §§-ni 8-9-mi aamma 10-mi takuneqarsinnaapput.

Siunnersuutip Inatsisartunit siullermeerneqarnera

Siunnersuut una partiinit tamanit inersuarmi tapersorsorneqarpoq aammalu Inuusutissarsiornermut Aatsitassanullu Ataatsimiititaliamit suliarineqartussanngorlugu innersuunneqarluni.

Tusarniaaneq

Tusarniaaffigineqartut oqaaseqaataat tiguneqartut Naalakkersuisunit issuaavigineqarput oqaaseqaateqarfigineqarlutillu. Naalakkersuisut oqaaseqaataat ataatsimiititaliamit tusaatissatut tiguneqarput tusarniaanerullu ingerlanneqarneranut ataatsimiititaliaq allanik oqaaseqaatissaqanngilaq.

Ataatsimiititaliap siunnersuummik suliarinninnera

Siunnersuut matumani pineqartoq nangaassuteqanngitsumik taperserneqartoq ataatsimiititaliamit maluginiarneqarpoq aammalu siullermeerinninnermi oqaaseqaatigineqartut ikummatissat atorlugit nukissiornermut taartissatut unammillersinnaasumik siunnersuutip mingutsitsinnginnerusumik nukissiorneqarsamut pitsaasumik kingunerisassai tunnganerupput. Nukimmik ataavartumik nunatta imminut pilersornerata annertusinissaanut, avatangiisinut iluanaarutaanissaa kiisalu CO₂-mik aniatitsinerup apparnissaanut siunnersuutip peqataaqataanissaa pingaartinneqarpoq.

Erngup nukinganik nukissiorfiit imminut napatittumik ineriartortitsinissamik FN-imi anguniakkat nunatsinnit eqquutsinneqarnissaanut peqataaqataanermik saniatigut nukissiuutinut akinik ungasinnerusoq isigalugu akikinnerulersitsisumik siunissamut qulakkeerinnittumik attaveqaateqartitsinikkut innuttaasunut pitsaasumik sunniuteqarnissaat naatsorsuutigineqarpoq.

Taama isiginninnerit naliliinerillu ataatsimiititaliamit isumaqatigineqarput. Taakku aalajangiiffigisassatut siunnersuummut (UKA2019/153) 2019-imi ukiakkut ataatsimiinnermi akuerineqartumut akerliunnginnerisa saniatigut siunnersuummi § 1-imut aamma §§-inut 2-4-mut ataatsimiititaliaq allanik oqaaseqaatissaqanngilaq.

Nunat tamalaat suliariumannittussarsiuussinermi neqerooruteqarsinnaanerata, nunamut tamarmut pilersaarummi peqqussutit, pinngitsaaliissummik taarsiissutitalimmik pigisanik

aalaakkaasunik arsaarinnittarneq aammalu naqissusiinikkut akitsuusigassaatitaannginneq pillugu aalajangersakkat §§-ni 7-imi, 8-9-mi aamma 10-mi ilanngunneqarsimapput. Aalajangersakkanut taakkununga, Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaaqatit pillugit Inatsisartut inatsisaanni nr. 4-mi, 22. november 2018-imeersumi aalajangersakkanut assingusunik siunertaqartunut, ataatsimiititaliaq annertunerusumik oqaaseqaatissaqanngilaq.

Siunnersuutip aningaasaqarnikkut allaffissornikkut kingunerisassai kingunerisassallu allat pingaarutillit.

Inuiaqatigiinnut kingunerisassanik naliliineq, siunnersuummut aningaasatigut tunngavinnik nassuiaataasoq, siunnersuummut ilanngullugu Naalakkersuisut saqqummiuppaat. Tamatuma saniatigut aningaasaliissutissat taakkunungalu aningaasalersuutissat annertunerat pissutigalugit apeqqutit arlallit akissuteqarfigeqqullugit Naalakkersuisut ataatsimiititaliamit qinnuigineqarput. Isumaliutissiisummut matumunga ilanngussaq innersuussutigineqarpoq. Naalakkersuisut nassuiaataat akissutaallu ataatsimiititaliamit tusaatissatut tiguneqarput. Pilersaarutit aningaasatigut sulisussatigullu taama annertutigisut nunarsuarmi aningaasaqarnerup nikerarneranit sunnerneqarsinnaapput, tamatumani pineqarlutik aningaasalersuinermi aningaasartuutit, atortussanut aningaasartuutit aammalu sulisussat pisariaqartut sulisussarsiariniarnerat. Suliniutinik suliariumannittussarsiuussineq sanaartornermut aningaasaqartuutinik qanoq ittunik inerneqassanersoq siumut eqqoqqissaartumik eqqoriarneqarsinnaanngilaq. Taamaattumillu suliariumannittussarsiuussinissami piumasaaqatit tamatumalu kingorna isumaqatigiissutit imarisassaasa Naalakkersuisunit sukumiisumik isumaliutigineqarnissaat pingaaruteqarpoq, taamaaliornikkut suliniutip taama angitigisup suliarineqarnerani saqitsaassutaasinnaasut isumagineqarnissaannut ersarissumik ataatsimoortumillu tunngaveqarnissaq qulakkeerneqarsinnaaqullugu.


Ataatsimiititaliap inassuteqaatai

Ataatsimiititaliap isumaqatigiittup siunnersuut akuersissutigineqassasoq inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Marianne Paviassen
Siulittaasoq



Lars Poulsen
Siulittaasup tullia



Knud Mathiassen



Harald Bianco



Charlotte Pike



Aslak Wilhelm Jensen



Karl Tobiassen



Inatsisartut Inuussutissarsiornermut Aatsitassanullu Ataatsimiititaliaq

**Siunnersuut uunga: erngup nukinganik nukissiorfissat il.il.
taakkunungalut atortussat aningaasalersorneqarnissaannut
ingerlanneqarnissaannullu sinaakkusersuutit pillugit Inatsisartut
inatsisaat (UKA2021/152), pillugu Inuussutissarsiornermut
Aatsitassanullu Ataatsimiititaliap apequtaannut akissuteqaat**

20-10-2021
Suliap nr. 2020 – 2184

3900 Nuuk
Tlf. (+299) 34 50 00
E-mail: pan@nanoq.gl
www.naalakkersuisut.gl

- 1. Tamakkiisumik aningaasaliissutissatut naatsorsuutigisat
attaneqarsinnaassusiat Naalakkersuisunit isummerfigineqassasoq
Inuussutissarsiornermut Aatsitassanullu Ataatsimiititaliamit
kissatigineqarpoq. Ilaatigut siusinnerusukkut suliniutinit assingusunit
misilittakkat tunngavigalugit suut suliniutinut
akitsorsaataasinnaanersutut Naalakkersuisunit
isumaliutigineqarsimappat?**

Akissut:

Nukissiorfiit suliassanut sanatitsisuuvoq. Nukissiorfiit erngup nukinganik sanaartornerni siusinnerusukkut sanatitsisuusimavoq, assersuutigalugu Ilulissani pilersuinissamut Paakitsumi erngup nukinganik innaallagissiorfiup 2013-mi ingerlanneqalersup pilersinneqarnerani.

Apeqqutip akissuteqarfigineqarnissaanut Nukissiorfinnit ilanngussassanik aallertoqarpoq. Nukissiorfiit paasissutissiipput:

”Tunngaviusumik tunngavissat arlallit suliassanut akigititanut pingaaruteqarsinnaapput. Pissutsit nalinginnaasut ilai aqunneqarsinnaasannngillat, aammalu pissutsit suliassamut tunngassuteqarnerusut aalajangersimasumik annertussusilimmik aqunneqarsinnaasarlutik.

Pissutsit nalinginnaasut ilaannut tunngatillugu taaneqarsinnaapput atortussanut aningaasartuutit, sulisussanut aamma sanaartugassamik pilersaarusiornermut tunngasut, neqeroorteqartitsinerup nalaani akigititanut pingaaruteqarsinnaasut. Taakkunani avataani niuerfinni ingerlatsisut pissutaasarput, eqqoriaruminaassinnaallutik aammalu nunarsuarmi aningaasaqarnermi nikerartuarnerit tassannaannaq pisartut apequtaasarlutik (assersuutigalugu atortussiassanik amigaateqalernerme imaluunniit nunarsuarmi sanaartornermik inuussutissarsiutillit annertuumik ulapaarneranni imaluunniit nunarsuarmi tuniluuqqalernerani).

Pissutsit nalinginnaasut taamaattut, neqeroorutit tiguneqartut aningaasaliissutitut killissaliussanit qaffasinneruppata, suliariumannittussarsiuussinerup unitsinneqarsinnaalernerani aatsaat iliuuseqarfigineqarsinnaalertarput.

Pissutsini suliammut tunngassuteqartuni piffissap pitsaassutsillu aningaasaqarnermut sunniuteqartussaanerat pingaaruteqarpoq. Pisumi matumani suliammi marlunni taakkunani UPA2021/152-mi pineqartunut ilaatinneqartuni pitsaassusissaq neqeroortitsinerup najoqqutassani piumasagaatit nassuiaasorsorneqarnerisigut aalajangersarneqarpoq. Tamatumunnga taarsiullugu suliarinninnermut piffissami eqaassuseqartitsinerulerneq suliammut akigititat aalajangersarneqarnerannut annertooujussuarmik sunniuteqarsinnaavoq.

Suliammat (sanaartugassamik pilersaaruserneq) aamma aqqissuunneqarnissaat neqeroortitsinerup nalaani unammilleqatigiinnermi tunngavissatut ilaatinnissaa qulakkeerniarlugu, suliammat suliammi tamakkiisunut sanaartornermut akigititassanut isumaqatigiissuteqarfigineqartussatut neqeroortitsivigineqarput. Nunani tamalaani neqeroortitsinerup qinnuteqartussat amerlasuut kajumilersinniarnissaat, taamaalillunilu suliammat unammilleqatigiinnerup sukannernerulersinneqarnissaa, Inatsisissatut siunnersuummi § 7-mi periarfissiissutigineqarpoq. Naatsorsuutigineqarpoq entreprenørit neqerooruteqartussat misissueqqaarnerup pisariaqartunut pilersaarutiniq kiisalu suliammat assigiinngitsunut suleqatigiikkaat qassit sulisinneqarnissaannut pilersaarutiniq suliaqassasut. Tassani suliammat ataatsimut, taassuma piffissami sivikinnerusumi ingerlanneqarsinnaanissaannut, suleqatigiikkaat arlallit sulilersinneqassappata, immikkut aningaasartuutissat annertuujususaapput.”

Naalakkersuisut Nukissiorfinnit (sanatitsisutut) paasissutissat taakkua tunaartaraat, aammalu annertunerusunik ilassutissaqaratik.

2. Ilaatigut suliniutitut aningaasalersueriaatsitut kinguneqartumik mittarfiliornermut atatillugu suliniutitut immitut akilersinnaasut suliniutillu immitut akilersinnaanngitsut immikkoortinneqarsimapput. Tamanna siunnersuummut matumunnga sanilliunneqarsinnaava?

Akissut:

Erngup nukinganik nukissiorfissat il.il. taakkunungalu atortussat aningaasalersorneqarnissaannut ingerlanneqarnissaannullu sinaakkusersuutit pillugit Inatsisartut inatsisaat (UKA2021/152) sanaartornermut inatsisaavoq ataatsimoortoq, Qasigiannuani aamma Aasianni pilersuinerup erngup nukinganik innaallagissiorfiliornissap, kiisalu Nuummi erngup nukinganik pilersuinerup allilerneqarnissaata sulissutigissagaat Naalakkersuisut peqquneqarnissaat pillugu (UKA2019/153) 2019-imi ukiakkut ataatsimiinnermi Inatsisartut aalajangiinerannik naammassinnittoq. Taamaalilluni aallaaviatigut

Nuummi suliassap aammalu Qasigiannuani Aasiannilu suliassap akornanni immikkoortitsinissaq siunnerfigineqanngilaq.

Suliassat ataatsimoorlutik aammalu immikkoorlutik imminut akilersinnaapput.

Nukissiorfiit suliassani sanatitsisuuvoq aammalu aningaasalersuinermi periaasissaq akikinnerpaaq tassaavoq Nunap karsianiit taarsigassarsititseqqinnerup aqutigineqarnera. Sanaartornerup ingerlanerani nikittoqarluni, immaqalu missingersuutini allanngortitsisoqarluni pisoqarpat, Nukissiorfiit nammineerluni sanaartornermut sinaakktissami iluanni tamanna iliuseqarfigisussaassagaa naatsorsuutigineqarpoq.

3. Siunnersuutip matumani pineqartup akisunerulersinnaanerani aningaasalersueqqittariaqalernissaq pillugu nalornisoqalinnginnissaata qulakkeerneqarnissaa siunertaralugu Naalakkersuisut mittarfiliornernit misilittakkat tunngavigalugit eqqarsaatersuuteqarsimappat?

Akissut:

Apeqqummut 1-imut aamma 2-mut akissuteqaatit innersuussutigineqarput.

Inussiarnersumik inuulluaqqusillunga


Kalistat Lund



Nunalerinermut, Imminut Pilersornermut,
Nukissiutinut Avatangiisinullu Naalakkersuisoq

Ulloq: 18-10-2021
J.nr.: 01.36.02.03-00269

Siunnersuut uunga: Inatsisartut inatsisaat nr. xx xx. xxx 2021-imeersoq Nuummi Qasigiannuani Aasiannilu erngup nukinganik nukissiorfissat taakkununggalu atortussat aningaasalersorneqarnissaannut ingerlanneqarnissaannullu sinaakkusersuutit, pillugu Naalakkersuisunut apeqqutit. (UKA 2021/152)

- 1) Tamakkiisumik aningaasaliissutissat naatsorsuutigisat attanneqarsinnaassusiat Naalakkersuisunit isummerfigineqassasoq Inuussutissarsiornermut Aatsitassanullu Ataatsimiititaliamit kissaatigineqarpoq. Ilaatigut siusinnerusukkut suliniutinit assingusunit misilittakkat tunngavigalugit suut suliniutinut akitsorsaataasinnaanersutut Naalakkersuisunit isumaliutigineqarsimappat?
- 2) Ilaatigut suliniutinut aningaasalersueriaatsinut kinguneqartumik mittarfiliornermut atatillugu suliniutit imminut akilersinnaasut suliniutillu imminut akilersinnaangitsut immikkoortinneqarsimapput. Tamanna siunnersuummut matumunnga sanilliunneqarsinnaava?
- 3) Siunnersuutip matumani pineqartup akisunerulersinnaanerani aningaasalersueqqittariaqalernissaq pillugu nalornisoqalinnginnissaata qulakkeerneqarnissaa siunertaralugu Naalakkersuisut mittarfiliornernit misilittakkat tunngavigalugit eqqarsaatersuuteqarsimappat?

Apeqqutinut siuliani allassimasunut allakkatigut akissut (kalaallisut danskisullu) sapinngisamik piaartumik tiguneqassasoq ataatsimiititaliamit qinnutigineqarpoq. Akissut qarasaasiakkut ataatsimiititaliap allattaanut (juul@inatsisartut.gl).

Isertuussinissaq eqqarsaatigalugu apeqqutit siuliani allassimasut oqaatsit atorlugit akineqarnissaat pitsaanerusoq Naalakkersuisunit nalilerneqarpat, tamanna piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiissinnaanermut ulluliussassatut siunnersuut nalunaarutigalugu. Tassunga atatillugu oqaatigineqassaaq ataatsimiititaliap apeqqutaanut akissuteqartoqartinnagu siunnersuutip suliarinerata ingerlaqqinnissaa pillugu Inatsisartunut inassuteqarnissaq ataatsimiititaliamit periarfissaasorineqanngimmat.

Inussiarnersumik inuulluaqqusillunga

Mariane Paviasen

Mariane Paviasen

Ataatsimiititaliap siulittaasua